

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava Ministarstva za rad, socijalnu politiku i izbjeglice za 2018. godinu, broj: 02-14-3073/18 od 22.02.2018. godine i 02-14-11047/18 od 05.07.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 152. sjednici održanoj dana 20.07.2018. godine, d o n o s i

ODLUKU

o odobravanju sredstava za sufinansiranje prekvalifikacije, dokvalifikacije i zapošljavanja kroz realizaciju projekta „Jačanje sistema srednjeg stručnog obrazovanja u Zeničko-dobojskom kantonu-II faza“

Član 1.

(Predmet)

(1) Odobravaju se Privrednoj komori Zeničko-dobojskog kantona sredstva u iznosu od 30.000,00 KM (slovima: tridesethiljada konvertibilnih maraka) za sufinansiranje projekta „Jačanje sistema srednjeg stručnog obrazovanja u Zeničko-dobojskom kantonu-II faza“ koji se implementira u okviru Programa Prilika Plus podržanog i sufinansiranog od Vlade Švicarske.

(2) Sredstva iz stava (1) ovog člana odobravaju se za prekvalifikaciju, dokvalifikaciju i zapošljavanje 60 osoba koje se vode kao nezaposlene osobe na evidenciji JU Služba za zapošljavanje Zeničko-dobojskog kantona, shodno potrebama kompanija iz metaloprerađivačkog sektora i sektora tekstila, kože i obuće.

Član 2.

(Analitička konta)

Odobrena novčana sredstva iz člana 1. ove odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 221, pozicija Budžeta: „Poticaji zapošljavanja mladih“.

Član 3.

(Uplata sredstava)

Odobrena sredstva će se uplatiti na račun Privredne komore Zeničko-dobojskog kantona broj: 1610550000020014 otvoren kod RAIFFEISEN BANK D.D. Sarajevo, Filijala Zenica; ID broj: 4218056880003 „Svrha uplate: Sufinansiranje projekta „Jačanje sistema srednjeg stručnog obrazovanja u Zeničko-dobojskom kantonu-II faza“.

Član 4.

(Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Privredna komora Zeničko-dobojskog kantona, svako u okviru svojih nadležnosti.

Član 5.

(Izveštavanje)

Obavezuje se Privredna komora Zeničko-dobojskog kantona da po završenom projektu Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku doznačenih sredstava, kao i dokaze o zapošljavanju osoba.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/18.

Datum, 20.07.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Privredna komora Zeničko-dobojskog kantona, putem ministarstva,

1x „Službene novine Zeničko-dobojskog kantona“,

1x a/a.